



咨



大總統咨參議院請議決內務部呈暫行傳染病豫防法草案文

據內務部呈稱竊查痘瘡白喉症猩紅熱等傳染病已有發生之兆非亟定豫防法不足以重衛生而便執行茲由本部擬就暫行傳染病豫防法草案三十五條另冊繕就理合一併呈送鈞案交法制院審定後咨由參議院議決公布施行俾便遵循實爲公便等情前來查傳染病發生甚易傳播至速亟應制定豫防法規俾有司實力奉行人民知所防範該部所稱實爲衛生行政最要之舉合將該部呈送之暫行傳染病預防法草案三十五條咨送貴院請煩查照議決見覆以便頒布施行此咨

大總統咨參議院請議決法制局擬定法官考試委員會職令及法官

考試令草案文

司法爲獨立機關現在南北統一所有司法人員必須應法官考試合格人員方能任用茲據法制局擬定法官考試委員會職令及法官考試令兩種草案呈送前來合行咨請貴院議決咨覆可也此咨

計附送法官考試官職令及法官考試令草案兩冊

大總統咨參議院請議決財政部擬定金庫則例文

據財政部呈稱竊維整頓財政首在杜絕弊端而機關之組織不完則弊端無由而杜絕各國辦理方法務使事務機關與出納機關分離對立以明權限而杜侵漁前清財政紊亂已達極點究厥原因實以機關混同爲叢弊之所出今民國方興亟宜興利除害本部職司財政自以剔除積弊爲先此統一國庫所以不容視爲緩圖者也查近今各國國庫制度約分二派曰存款制度曰委託制度存款制度者係以國庫收入悉數存入中央銀行作爲普通存款支出時發銀行支票使中央銀行代爲應付則庫務節手續之煩國帑無保藏之患誠最良之制度也英國行之委託制度者係以國庫現金出納保管事務委託中央銀行辦理其國庫資金與銀行資金劃分爲二銀行雖任出納保管之責而非有部令不得任意通融市面雖有恐慌而庫藏不蒙其影響歐美諸國以及日本多行之者兩者比較互有短長竊思我國變亂初平市面尙難恢復而中央銀行根基始立支店未克完成存款制度既屬難行委託制度尙形窒礙惟因統一國庫迫不容緩謹擬採用委

託制度訂定金庫則例十四條呈請察核後咨送參議院議決頒布施行爲金庫規則之基礎隨由本部審察目下情形再訂金庫出納事務暫行章程以部令施行爲一時變通之計啓將來漸進之基等情前來查該部所呈自屬整理財政切要之圖相應繕具該項則例咨請貴院迅卽議決以便施行此咨

計送金庫則例一扣

令示

大總統令廣東都督派員照料迎趙烈士靈柩文

茲派趙光等赴港迎烈士趙聲君之靈柩歸正首邱仰該都督屆時派員妥爲照料併照會港政府及港中紳商一體知照以慰英魂切切此令

紀事

交通部接袁總統電復據郵政總局呈仍令二生入校文

交通部咸電悉飭據郵政總局呈稟向章非總辦允許不能委派員司因滬郵局並未稟准該總辦遵章辦理並非專擅等情已由郵部轉飭該總辦飭知滬郵局仍准派二生入


局學習矣大總統袁世凱號

臨時政府公報

紀事

第四十八號

四



臨時政府公報 附錄

中華民國元年三月二十六日星期二
隨報附出 不另徵費

電報

袁新總統孫大總統參議院暨同鄉諸公鈞鑒民軍統王和順久蓄異志潛招桂兵私購鎗炮分據要地前日突阻新軍查街搗斃數命斬斷電綫十一置炸炮轟城內外陳都督萬不得已始宣罪狀令軍圍攻幸其部下多不從逆現王逃兵潰商民多受驚駭擾害此役並非因裁兵而起各民軍皆安請紓廛念粵省會元叩

(廣東來電五十六)

孫大總統實業部總次長鑒接新嘉坡電稱該埠華僑重新組織華僑總商會已稟准英政府求轉請我政府給鈐記等因蓋商會爲振興商務理應代呈俟章程寄到再請立案以資保護而促進行華僑聯合會叩馬

(上海來電五十七)

北京袁大總統南京孫大總統參議院各省都督各軍司令北京天津上海各報館均鑒文登土匪慘殺民黨已經月餘近由烟台軍政府派重兵解散始克復數城將近城各地

搜獲無鬚髮之尸身無數皆斷首斷足甚或支解數十段野蠻殘殺大背人道威海英人聞之亦爲不平今於匪首王嘉禾家搜出萊州府知府楊某於本月初間致該匪首函件始知此次匪亂實由某前清官吏所主使全魯人士同聲憤恨吾魯自取消獨立以來全省官吏日以捕殺民黨爲事諸城卽墨各地之殘殺動逾千萬乃萊州府知府於南北統一宣布共和一月之後猶敢煽動匪亂演出此次文登殘殺之慘劇以致魯省人民畏官吏如虎狼平日稍有維新之名者均漂流四方不敢復歸故里在專制時代尙無此殘暴今乃見之於共和期內實堪悲痛倘猶執維持現象之說仍用一般惡劣官吏則山東人民豈復尙有瞧類各省皆享共和幸福魯省獨終此黑闇哀哀魯人何以至此倘魯省問題一日不解決恐大局亦終無解決之一日諸公若爲大局計當速設法援救以共維民國基礎魯人幸甚大局幸甚山東同盟會徐鏡心謝鴻燾丁惟決蔣洗凡等及全體會員哀叩效

(五十九)

孫大總統鈞鑒胡都督瑛奉命來烟軍民愛戴全省臨時議會又正式公舉爲山東都督張廣建殘虐暴戾煽兵擾民已成亂象屢電袁總統懇其斥退以仁易暴未邀允准前總

統委任都督後總統當然有繼續效力乞電袁大總統速罷張撫令胡都督赴濟履新以順輿情而救民困不勝盼禱山東臨時議會周慶恩張應東劉犧暨全體議員公叩巧

(烟台來電六十)

北京袁大總統南京孫大總統參議院鈞鑒聞胡都督有懇求辭職之信全埠商界無不驚駭伏念東省秩序全仗胡都督極力維持烟埠感戴尤深况登州各屬駐軍甚多尤賴胡公鎮懾胡公一去大局極危務求我公俯念商民生命財產慰留胡公予以山東政權不勝感戴之至烟台商會全體公叩


(烟台來電六十一)

袁大總統孫大總統陸軍總長參議院黎副總統各部首領各省都督公鑒錫鑾奉令署理直隸都督已於三月十八號任事謹此奉聞錫鑾巧印

(天津來電六十二)

孫大總統鑒鈞電悉已飭北京度支部逕電通商滬行將所存新幣二十九萬餘元撥交張季直君作江皖兩省一賑款袁世凱弔

(北京來電六十三)



告白



總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日為限過期揭去嗣後凡來本府投遞呈件人等希一體知照總統府秘書處白

中華民國實業部附設實業公報簡章

本報為中華民國實業部之機關報故名曰實業公報

本報以宣布實業法令灌輸實業學識為宗旨

本報暫定門類如左（無則姑闕）

甲 圖畫

乙 法令

丙 著論

丁 譯述

戊 調查

己 電報

庚 紀事

辛 雜錄

本報爲發展全國實業起見凡外來文稿於實業有關係者當擇要登載酌量酬謝未登者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請領者照五折徵費實業學生聯名請領者十份以上八折五十份以上七折百份以上六折

外交部廣告

本部於三月二日遷鼓樓前獅子橋所有電報公文各項函件希按址投遞爲盼

臨時政府公報局告白一

各省官廳所有暫行條例命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉規地方之清況而彰民治之精神

臨時政府公報局告白一

各處有願爲公報販買所者可將領報份數及販買區內人之姓名年齡職業住所及販買章程呈送本局核定並須酌交保證金其保證之金額由局長定之

臨時政府公報局告白二

嗣後各處定閱本報者須將報費逕寄總統府內臨時政府公報局由本局掣取收條即飭發行所照寄空函定報概不答覆



本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其
子目見前
- 四 本報日出一冊如遇國家紀念日星期日政府停止辦公時本報亦休
刊一日
- 五 政府對於各地所發令示或宣布法律凡登本報者公文未到以本報
到後爲有效
- 六 凡各官署皆有購閱本報之義務唯具印文請領者皆照定價五折徵
納餘另詳前價目表

本報白

本報局設在大總統府內

總發行

南京花牌樓太平街四號
南京花牌樓吉祥街
南京中華報
南京中正街昇平橋易安精舍

外埠經售處

鎮江 興漢日報

常州 大街老王大昌

無錫 光復門內新橋二十一號曾瑞武

蘇州 城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

上海 寶善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報